

CBETA電子佛典集成

CBETA Chinese Electronic Tripitaka Collection
eBook

T20n1057a

千眼千臂觀世音菩

薩陀羅尼神呪經

唐 智通譯

財團
法人

佛教電子佛典基金會



目次

- [編輯說明](#)
- [章節目次](#)
 - [千眼千臂觀世音菩薩陀羅尼神咒經序](#)
 - [1_大身咒](#)
 - [1_總攝身印](#)
 - [2_總持陀羅尼印](#)
 - [3_解脫禪定印](#)
 - [4_千眼印咒](#)
 - [5_千臂總攝印](#)
 - [6_通達三昧成印](#)
 - [7_呼召天龍八部神鬼集會印](#)
 - [8_呼召大梵天王及憍尸迦來問法印](#)
 - [9_歡喜摩尼隨意明珠印](#)
 - [10_乞願隨心印](#)
 - [11_入滅盡定三昧印](#)
 - [12_請佛三昧印](#)
 - [置十肘曼拏羅壇法](#)
 - [13_辯才無礙印](#)
 - [14_菩薩破大千世界滅罪印](#)
 - [15_菩薩降伏三千大千世界魔怨印](#)
 - [16_菩薩廣大無畏印](#)
 - [17_水精菩薩護持千眼印咒](#)
 - [18_菩薩成就印](#)
 - [19_菩薩成等正覺印](#)
 - [20_菩薩呼召三十三天印](#)
 - [21_菩薩呼召天龍八部鬼神印](#)
 - [22_菩薩解脫印](#)
 - [23_菩薩自在神足印](#)
 - [24_菩薩神變自在印](#)
 - [25_請千臂觀音菩薩心王印咒](#)
- [卷目次](#)
 - .001,
 - .002
- [贊助資訊](#)

編輯說明

- 本電子書以「CBETA 電子佛典集成 Version 2023.Q4」為資料來源。
- 漢字呈現以 Unicode 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 service@cbeta.org 回報。
- 版權所有，歡迎自由流通，但禁止營利使用。

千眼千臂觀世音菩薩陀羅尼神呪經序

惟夫聖力難准、靈心罕究，六神通之妙業、八自在之玄功，持恭實而納崇山、析毫端而容大海，豈止分身百億、現影三千而已也。千手千眼菩薩者，即觀世音之變現、伏魔怨之神迹也。自唐武德之歲，中天竺婆羅門僧瞿多提婆，於細氎上圖畫形質，及結壇手印經本至京進上，太武見而不珍，其僧悒而旋轡。至貞觀年中，復有北天竺僧，齎千臂千眼陀羅尼梵本奉進，文武聖帝勅令大總持寺法師智通共梵僧翻出呪經并手印等。智通法師三覆既了，即祈心懇切佇流徵應，於是感慶熹尊者之俯降形儀。通悲喜驚嗟投身頂謁，蒙存慰喻，問欲何求？通曰：「擣昧庸心輒此詳譯，不審情詣稍符聖旨以否？」默而印許。竊表深衷，便錄本進上。帝委問由緒，通具以事述，感愜帝心。於是齎藁本出內，將示弘福大德，玄囂法師一見此文嗟稱不已。有人云：勅未流行，何因忽茲漏洩？其本遂寢，不復弘揚。又有西來梵僧，持一經夾以示智通，通還翻出，諸餘不殊舊本，唯闕身呪一科。有常州正勤寺主慧琳法師，功德為務、定慧是崇，深入總持、周窮藝術，歷遊京邑捫遲實際伽藍，思廣異聞、希誠脫簡。爰有北天竺婆羅門僧名蘇伽施，常持此法結壇手印，朝夕虔祈。琳罄折諮詢，每致歎阻。後同之洛下，漸示津途。即請一清信士李太一，其人博學梵書、玄儒亦究，紆令筆削潤色成章，備書梵音身呪具至。神功年中，有一仁者自京都至，將通師所翻後本，有上下兩卷惟闕身呪，琳參入其中，事若一家婉而備足。又佛授記寺有婆羅門僧達摩戰陀，烏伐那國人也，善明悉陀羅尼呪句，常每奉制翻譯，於妙氎上畫一千臂菩薩像并本經呪進上。神皇令宮女繡成或使匠人畫出，流布天下，不墜靈姿。波畚又於婆羅門真諦律師，聞此僧由來。云有大力鬼神毘那翼迦，能障一切善法不使成就，一切惡業必令增長，雖有妙力通心無能制伏。觀音菩薩現作千臂千眼之形以伏彼神，及有呪印用光不朽。將來好事者佇無惑焉。

千眼千臂觀世音菩薩陀羅尼神呪經卷上

大唐總持寺沙門智通譯

爾時觀世音菩薩摩訶薩白佛言：「世尊！是我前身不可思議福德因緣，今蒙世尊與我授記，欲令利益一切眾生起大悲心，能斷一切繫縛、能滅一切怖畏，一切眾生蒙此威神，悉皆離苦因、獲安樂果。

若有善男子善女人，於我滅後後五百歲中，能於日夜六時。依法受持此陀羅尼神呪法門者，一切業障悉皆消滅，一切陀羅尼神呪法門悉皆成就。今我念報世尊恩德，隨在何等乃至村城國邑聚落，或在山野或在林間，我當常隨擁護是人，不令一切鬼神之所燒害。」爾時觀世音菩薩又白佛言：「世尊！後五百歲中，眾生垢重薄福者多，不能專念；設有受者，或被鬼神之所侵害。今我以佛威神之力，廣為饒益一切眾生，安樂天、人、阿修羅等，為說陀羅尼法。我於過去無量劫中，以曾親近供養如是陀羅尼法，乃至過去未來現在諸佛，皆因此陀羅尼法門得阿耨多羅三藐三菩提。若有善男子善女人等，專念受持此陀羅尼法門者，此人現世口說流利無所質礙、慧辯通達，於一切天人大眾中為第一，聞者歡喜皆悉稽首，在所生處常得見佛法僧，有所言說人皆信受。當知此是諸佛威神之力，非我自力。」

爾時世尊讚歎觀世音菩薩言：「善哉善哉！汝能如是利益安樂天、人、阿修羅等及淨業道，我今以智印印之，令汝永不退轉。」

爾時觀世音菩薩又白佛言：「世尊！我念過去無量劫中持此陀羅尼法門，在布怛羅山中，乃逢魔王領諸魔眾惱亂我法，令使呪句不成。爾時我以此陀羅尼法，降伏是魔，悉皆退散。當知此陀羅尼力不可思議。」

爾時觀世音菩薩，慈悲故、利益故、安樂天人故，即說姥陀羅尼法：

千眼千臂觀世音菩薩大身呪第一(用後總攝身印)

「娜摩薩羅婆(二合)若(爾耶反)耶(一) 娜謨喝囉怛那(二合)多囉(二合)夜(引)也(二) 娜謨阿彌陀婆(重平)耶怛他揭多耶(三) 阿羅訶毘三藐三菩陀耶(四) 娜謨阿利耶(二合)跋路枳帝(五) 濕縛(二合)囉耶(六) 菩提薩埵耶(七) 摩訶薩埵耶(八) 摩訶迦嚕尼迦耶(去)(九) 娜謨摩訶薩他摩(二合)波羅(二合)鉢多(二合)耶(十) 菩提薩埵耶(十一) 摩訶薩埵耶(十二) 摩訶迦嚕尼迦耶(凡迦皆鳩娜反)(十三) 娜謨毘補羅毘麼耶(十四) 素(上)鉢唎(二合)底(丁枳反)瑟耶(二合)多(去)(十五) 僧棄耶(上)素(引)唎耶(二合)舍多娑訶薩囉(二合)阿毘唎(引)迦(十六) 鉢羅(二合)婆(重平)阿縛(皆肥麼反)婆(重平)悉多(短)慕(引)唎怛(重音短二合)曳(十七) 摩訶末尼(去)摩矩吒軍(去)荼羅陀唎泥(去)(十八) 薄伽伐底(丁里)鉢頭摩(二合)波拏(上)(十九) 曳薩羅婆(二合)路迦阿(阿字是上迦字上聲，緣此句內有阿字，更不須迦引聲)跋(長去)耶(二十) 奢(去)摩那(去長)耶(二十一) 毘毘(去)陀毒(長)佉三摩鞞(去引)舍吠瑟吒(二合)(二十二) 薩婆薩埵跋哩慕者那(去引)耶(二十三) 怛姪他(二十

四) 唵(二十五) 勃(重)部(長)幡(伏誑反)(二十六) 摩訶路迦羯囉訶(二十七) 那跢摩(二十八) 悉底(丁里反二合)弭囉(二十九) 鉢吒囉(三十) 毘那舍娜(引)伽羅耶(三十一) 囉伽墜(二合引)廢灑摩訶暮(引)訶闍(引)囉(三十二) 奢摩(去)迦(三十三) 奢娑迦(三十四) 囉訖叉迦(三十五) 薩婆波耶突唎揭(二合)底(平)(三十六) 鉢囉(二合)舍麼迦那羯囉耶(三十七) 薩婆怛他揭多(三十八) 三摩縛馱(三十九) 那羯囉(短)醯醯(重努氣道)(四十) 摩訶菩提薩埵縛囉馱(四十一) 鉢頭摩(二合)路(引)迦三步(重)陀(四十二) 摩訶迦盧尼迦(四十三) 折(殖列反)吒(上)麼矩吒(長上)楞(近冷音)訖栗(二合)多(四十四) 舍唎蘭摩尼羯那(上)迦囉闍多跋折囉(二合)吠住唎耶(二合)(四十五) 楞訖唎(引二合)多捨唎囉(四十六) 阿弭多(引)婆視那(短)(四十七)(上)迦摩羅楞訖唎(二合)多(四十八) 鉢囉(二合引)幡囉那囉那囉那哩者那摩 訶 社 那 娜 囉(短)那(長)唎(四十九) 舍多娑訶薩囉(二合)阿毘(重平)羅使多迦耶(五十) 摩訶菩提薩埵(五十一) 毘馱摩毘馱摩(五十二) 毘那舍耶毘那舍耶(五十三) 摩訶(引)演覩嚕(二合)訖隸(二合)奢迦幡(去)吒幡(去)畔哆僧娑(引)羅遮囉迦(上短音)(五十四) 波羅迦囉(二合)摩地那(五十五) 布嚕沙鉢頭摩(二合)(五十六) 布嚕沙那伽(五十七) 布嚕沙娑伽囉(五十八) 毘(引)囉毘羅吠唎闍耶(五十九) 素誕(長)跢(得可反)素誕跢(六十) 鉢哩筏哩(二合)多(六十一) 馱摩馱摩(六十二) 綈麼綈麼(六十三) 覩(重)嚕覩嚕(六十四) 鉢羅(二合)奢(引)薩(短)耶(六十五) 鉢羅(二合)奢(引)薩耶(六十六) 祇(重去)囉祇囉(六十七) 婢梨婢梨(六十八) 只離只離(六十九) 姥(母音)盧姥盧(七十) 姥庾姥庾(七十一) 悶遮悶遮(七十二) 覩那覩那(七十三) 婢杜那婢杜那(七十四) 覩嚕覩嚕(七十五) 伽(去引)耶伽耶(七十六) 伽(去引)馱耶伽(引)馱耶(七十七) 喝娑喝娑(七十八) 鉢羅(二合)訶娑鉢囉(二合)訶娑(七十九) 毘馱毘馱(八十) 羯隸(二合)奢(去)(八十一) 嚩薩(短)那(八十二) 摩摩寫(某甲)(八十三) 荷羅(去)荷羅(八十四) 僧(司孕反)荷囉僧荷囉(八十五)(引)覩(重)嚕徵(知起反)覩(重)嚕胝(八十六) 摩訶曼荼(去短)羅(八十七) 覩嚕徵(知起反)迦囉拏(八十八) 舍哆鉢羅(二合)紐(引)迦(八十九) 幡婆(重)娑(九十) 毘娑那(長)舍麼迦(九十一) 麼訶菩提薩埵(九十二) 幡囉馱(九十三) 莎訶(九十四)」

爾時觀世音菩薩摩訶薩說：「此陀羅尼名薄伽梵蓮花手嚴飾寶杖，世尊於大金剛歡喜殿說，為尊勝菩薩及無量天、龍、緊那羅之所讚歎，為摧壞廣大業障山故。若有得聞者、若讀若誦此陀羅尼者，彼人所有一切煩惱業障悉得消滅。若有人於晨朝時生尊重心，誦此陀羅尼者，常為觀世音菩薩恒常隨逐擁護是人，所思念事皆得成就。若有求願使得成就者，當獨坐靜處，心念觀世音菩薩更無餘緣，誦此陀羅尼七遍，無願不果，又得一切眾生之所愛樂，不墮一切諸惡

之趣。若坐若行若住，常念佛如對目前者，是人於無量百千俱胝生所有積集諸惡罪業皆得消滅，是人當得具足千轉輪王之福，生生常得與觀世音菩薩同時出生貴姓家。若以滿一掬香花散於觀世音菩薩前，誦此陀羅尼七遍者，得大千功德大悲法性，彼人於世間得大力成就。若看菩薩面誦此陀羅尼呪者，即得見觀世音菩薩微笑相，見已即得離垢地，能照耀世間，即於此生當得見佛慈念攝授，臨命終之時如入禪定，生生之處得宿命智，所有罪障皆悉消滅。若欲受持此陀羅尼者，當於白月十五日受持八戒齋、著白淨衣，於有舍利佛塔及有舍利佛前並得作之。用白檀作泥塗壇(其白檀於石上摩，取糶用塗地)，以種種花散彼壇內。佛前燒香然燈，即於佛前生恭敬心，觀世音菩薩而來入是壇內，當誦此陀羅尼一百八遍。是人所有一切罪障、五逆重罪悉皆消滅，身口意業皆得清淨，得佛三昧力灌頂力，波羅蜜地力、殊勝智力悉皆成就。若須雨時，當視天誦此陀羅尼，甘雨應時即下。若視地誦此陀羅尼者，能令百穀皆得成熟。若於枯池河泉邊誦此陀羅尼者，即得水還盈滿。若一切病患，當誦此陀羅尼，以手摩之即得除差。於失念者邊，誦此陀羅尼，還得正念。若於飢渴人邊，當視其面誦此陀羅尼，所有飢渴悉皆消滅。若欲結界，當入池水中，寫此陀羅尼繫著幢上，一百由旬內無諸衰患，即成結界擁護成就。」

千眼千臂觀世音菩薩總攝身印第一

「先起立端身並脚齊立，右脚微曲少許。先以左手舒下，以中指無名指並屈著掌中，小指食指大母指散舒，仰掌向上；次以右手亦然。屈肘與膊齊，掌向前，此是總攝身印。若欲降伏魔怨及諸外道邪見稠林令人正道者，當作此印，誦陀羅尼二十一遍，必如所願。呪曰：

「那(上)謨曷囉(二合)怛那(二合)怛羅(二合)夜耶(一) 那謨阿利耶
(二) 波路吉帝攝伐(二合)囉耶(三) 菩提薩埵耶(四) 摩訶薩哆跛耶
(五) 摩訶迦嚕尼迦耶(六) 怛姪他(七) 阿(去)跋陀阿跋陀(八) 跋
唎跋帝(九) [王*堊]醯夷醯(十) 莎(去)訶(十一)」

千眼千臂觀世音菩薩總持陀羅尼印第二

「准前身印上，合掌當心，以五指相叉左押右，以二頭指直豎頭相拄，其大母指附頭指押第一文上，掌少開。此印名總持陀羅尼法。作此印者，能滅除無量生死劫來惡業，罪障一時消滅，當來往生十

方淨土。往昔釋迦牟尼如來臨欲成道，為魔王所惱，作此總持陀羅尼印，獲得安樂禪定。呪曰：

「跢姪他(一) 薩婆陀羅尼(二) 曼荼羅耶(三) [王*埜]醯曳醯
(四) 鉢囉(二合)摩輸馱(五) 薩跢跛耶(六) 莎訶(七)」

千眼千臂觀世音菩薩解脫禪定印第三

「先偏袒右肩，右膝著地，合掌頂上，屈二頭指以頭相拄，二大指附頭指第二文上。此印法名解脫禪定印。過去諸佛同修此法，得禪定解脫神通。每以此法供養，得見十方諸佛了然目前。同前呪。」

千眼千臂觀世音菩薩千眼印呪第四

「起立並足，先以二中指無名小指各以甲背相著，其二頭指豎頭相拄，其二大母指側搏附頭指第二文上側，腕開五寸許，置於眉間。此名千眼印。作此印呪法門者，即得觀見百千萬億世界佛剎淨妙國土，一一佛國各得百萬四千菩薩與行者同為伴侶。若未經三曼荼羅者，必不得見此印法門呪印，令人得罪(通作此法印，親驗菩薩受法與智通，凡有所願悉皆滿足)。呪曰：

「唵(一) 薩婆斫葛(二合)伽羅耶(二) 陀囉尼(三) 因(去)地唎耶
(四) 莎訶(五)」

千眼千臂觀世音菩薩千臂總攝印第五

起立並足，先仰右手掌，五指各相附，後以左手掌仰押右掌上當心著。此名總攝千臂印。此印能伏三千大千世界魔怨。呪曰：

「怛姪他(一) 婆盧枳帝(二) 攝伐囉耶(三) 薩婆咄(徒訥反)瑟吒
(四)(二合)烏訶彌耶(五) 莎訶(六)」

千眼千臂觀世音菩薩通達三昧成印第六

「起立以脚跟相跂，先以左手豎五指相搏，屈肘向前託，次以右手亦然，屈肘向內託。此名通達三昧印。此印能令通達一切三昧智印，莊嚴方便八萬四千法門，皆因此法得阿耨多羅三藐三菩提。用前大身呪。」

千眼千臂觀世音菩薩呼召天龍八部神鬼集會印第七

「起立並足，先以左手無名指捻大母指甲上，次以右手亦如是作，二小指及中指直豎頭相跂，合腕相附著，以頭指來去。呪曰：

「唵(一) 薩婆提婆那伽(二) 阿(去)那唎(三) 莎訶(四)」

千眼千臂觀世音菩薩呼召大梵天王及憍尸迦來問法印第八

「准前印上，開腕以手側相拄，仰掌以頭指來去。呪曰：

「唵(一) 摩訶梵摩(去)耶(二) [王*堊]醯夷醯(三) 莎訶(四)」

「此印呪法，能攝無量無數陀羅尼印法門皆悉來集。若日月蝕時，呪酥二十一遍，以印印酥食者，令人聰明日誦萬偈。此印法門，日藏如來授與觀世音菩薩。」

千眼千臂觀世音菩薩歡喜摩尼隨意明珠印第九

「起立合掌當心，以二大母指雙屈入掌中，餘四指直豎合掌當心，誦前大身呪二十一遍，決定得入諸天宮殿，遊歷十方諸佛國土，百千萬珍寶隨意所須，皆得供養諸佛菩薩金剛一切聖眾。若有人能作此法門者，晨朝早起清淨澡漱，作此印法，面見十方恒河沙佛，滅除無量劫來生死惡業重罪。是故讚歎如是功德。」

千眼千臂觀世音菩薩乞願隨心印第十

「准前印，屈二頭指押二大母指甲上，其頭指甲背相著。用前身呪。若人隨所求願皆悉滿足，必定不退菩提之道。」

千眼千臂觀世音菩薩入滅盡定三昧印第十一

「准前印，直豎散頭指大母指，開掌。此印我在因地時，乃有恒河沙諸佛受我此法，令我得證菩提之道。誦大身呪。」

千眼千臂觀世音菩薩請佛三昧印第十二

「准前印合掌當心，頭指來去。呪曰：

「唵(一) 薩婆勃陀三摩(去)耶(二) [王*堊]醯夷醯(三) 鉢囉(二合) 摩輸陀薩埵(四) 莎訶(五)」

千眼千臂觀世音菩薩置十肘曼拏羅壇法

次說壇法。凡作一切曼荼羅法門時，謹案梵本云此國土無有作曼荼羅地，如彼天竺皆取上勝福德之地以為壇場，婆羅門國別有擇地方法，不能廣說。且論此漢地第一山居閑靜之處，在山頂上有形勢處，掘地去其石礫及瓦器惡土物等，然始平治。以瞿摩夷和香塗地，縱廣一丈六尺。起基十二指乃至十六指，一肘以為勝上。第一取白栴檀香，於其石上磨，取末塗曼荼羅上。以五色粉摸界，其壇開四門。

東方門安提頭賴吒天王。

南方門安毘樓勒叉天王。

西方門安毘樓博叉天王。

北方門安毘沙門天王。

次第安天王，左右及眷屬各居本位。其曼荼羅中心，安千眼千臂觀世音菩薩像。像前置案，案上置呪法，燒種種香、安種種飲食、散種種花以為供養，唯除雜物薰辛酒肉。自外日別造新香鮮者花樹果子，於像前著三白食乳酪、酥、蜜，燒檀香、沈香、酥合香、龍腦香。每日三時洗浴，受三律儀，至心誦呪供養千眼觀世音菩薩。晨朝、午時、日暮供養，日別不闕。如是乃至三七日，盡意供養畢，來見呪師。作壇背地作法。呼召一切皆上圖畫像形。今案梵本無如此事，但知其呪師面向東方誦呪，作前第一第二第三乃至十二請佛三昧印，何勞假設印。作前印一遍，各誦呪七遍，乃至第十二印畢，當自發不退堅固。但作法呼召一切皆來，令發菩提決定心。端坐想一切呪神在其眼前，一無障礙不得畢竟。誦前大身呪滿一千八十遍，爾時觀世音菩薩當化現作阿難身相貌，來問行者：「所須何法？求何願耶(此語智通親自供養，蒙作此問，以此錄之)？」行者白言：

「為求無上菩提陀羅尼法。」若蒙受記之時，唯願發慇懃心，無求名利。所願須救一切眾生觀同一子，又願一切鬼神悉皆順伏。得如願已，但自知耳，不得向人傳說(通翻此法與玄誓，一本玄誓受學)。若欲得求一切願者，當作四肘水曼荼羅法，燒沈水香，誦前身呪一百八遍，作前第十乞願印，即得一切如願。滿足訖，即焚却此一本，自外更無如此供養，一切陀羅尼法門悉皆成就。又法若欲得一切歡喜者，作前第九摩尼隨意明珠印，誦身呪，呪烏麻二十一遍，火中燒之，即得如意。若欲令喝羅(二合)闍歡喜者，當取喝羅(二合)闍園內樹枝，呪二十一遍擲置園中，即得歡喜。若欲降伏惡人怨家者，當呪苦練木二十一遍火中燒之，即得歸伏。又法若有神鬼難調伏者，取安悉香及白芥子呪二十一遍擲火中燒，一切神鬼病者自然臣伏。記有疫病流行，當作四肘水曼荼羅，取好牛酥呪一百八遍火中燒之，一切災疫悉皆消滅。又取酥少分，與疫病人食之，立即除愈。昔有罽賓國疫疾流行，人得病者不過一二日並死。有婆羅門真帝將

此法行，疫病應時即得消滅，行病鬼王出離國境，知有驗矣。又法他國侵繞盜賊逆亂起來，作前第一總攝身印呪一百八遍，一切盜賊自然殄滅。若一切業報眾生命根盡者，作前滅盡定印日日供養，燒況水香誦呪滿一千八十遍，即當轉其業障。昔波羅奈國有一長者，唯有一子，壽年合得十六。至年十五，有一婆羅門巡門乞食，見其長者愁憂不樂，夫妻憔悴面無光澤。婆羅門問曰：「長者何為不樂？」長者說向因緣。婆羅門答言：「長者不須愁憂。但取貧道處分，子得壽年長遠。」于時婆羅門作此法門一日一夜，得閻羅王報云：「長者其子命根只合十六，今已十五，唯有一年。今遇善因緣，得年八十，故來相報。」爾時長者夫妻歡喜踊躍，罄捨家資次施佛法眾僧。當知此法不可思議具大神驗。已曾入大都會三曼荼羅金剛大道場者，不須作曼荼羅，唯須結印誦呪，無願不果，速當成佛。若有女人臨當產時受大苦惱，呪酥二十一遍令彼食之，必定安樂。所生男女具大相好，眾善莊嚴宿殖德本令人愛敬，常於人中受勝快樂。若有眾生有眼痛者，呪師以菩薩千眼印呪二十一遍，以印印眼，眼即除愈。以此大因緣，其人獲得天眼，光明徹見上界種種天人受勝快樂處。

次說畫像法。謹案梵本，造像皆用白疊，廣十肘，此土一丈六尺，長二十肘，此土三丈二尺。菩薩身作檀金色，面有三眼，一千臂，一一掌中各有一眼。綵色中不得著膠，以香乳和綵色。菩薩頭著七寶天冠，身垂瓔珞。又一本云：此土無好白疊大者，但取一幅白絹。菩薩身長五尺，作兩臂，依前第五千臂印法亦得供養，不要千眼千臂。此法亦依梵本，唯菩薩額上更安一眼即得。若欲供養此法門者，先須畫像。其畫像法必須作曼荼羅如法，令匠者受八戒齋，出入一上廁一洗浴。其像作成時，其畫匠及呪師恐多不如法，對像懺悔罪過，即安置壇中，即須作法設廣供養滿足三七日，千臂千眼觀世音菩薩像必放大光明過於日月，除不至心者。其千眼千臂觀世音菩薩像法，武德年中中天竺婆羅門瞿陀提婆將此像本來進，入內即不出。通案梵本，只言千眼千臂，更無釋名。又案梵本，菩薩過去毘婆尸佛亦現作降伏魔身，千眼中各出一佛，以為賢劫千佛也。千臂各各化出一轉輪聖王，此菩薩降魔身中最为第一。爾時世尊告觀世音菩薩等，我以佛神力，窮劫廣說不能得盡。

千眼千臂觀世音菩薩陀羅尼神呪經卷上

爾時觀世音菩薩說是呪時，三千大千世界乃至非想非非想天六反震動，色究竟天魔醯首羅不安其處皆大恐懼，一切惡鬼皆大叫喚受大苦惱，東西散走莫知所趣。爾時化身語諸大眾及諸惡鬼神等：「若不隨順我呪者、違逆者，頭破粉碎。此呪能摧破諸山、乾竭大海，此呪能摧阿修羅軍、護諸國土，此呪能摧伏一切諸惡鬼神、一切諸宿、一切惡毒、一切諸病、一切惡人，此呪能摧破三十三天，皆令降伏。若有善男子，有能誦持此呪者，其人威力說不可盡。此呪能令誦持之者豪貴自在，亦能令國王終身愛念，稱意所求悉皆滿足。若欲降伏魔怨者，當燒分求羅香誦我身呪二十一遍。若欲令一切人愛己者，呪楊枝二十一遍口中嚼之，即得愛敬。若欲令自身辯才智慧者，呪昌蒲一千八遍塗其心上，即得辯才無礙。作姥陀羅尼心呪印。」

千眼千臂觀世音菩薩辯才無礙印第十三

以兩手相背合掌，大母指向前舒。此印能自護護他，當須結界。隨所遊方，或呪淨水、或呪淨灰，各呪七遍，所在住處以手掬水掬灰先灑自身，然後向於四方四角如法散灑。若有善男子善女人，被諸惡鬼眾邪魍魎之所或亂者，取石榴枝及柳枝，陰誦此呪輕打病人，無病不差。呪曰：

「南無薩婆勃陀達摩僧祇比耶(二合)南無阿利耶婆盧吉低攝伐羅寫菩提薩多波寫南無拔折羅(二合)波尼寫菩提薩多波寫踰姪他徒比徒比迦耶徒比娑羅闍婆羅尼馱皤(二合)訶」

此呪印能降伏諸邪見外道。若有善男子善女人，於晨朝、午時、日沒三時，一時誦一遍者，即與種種供養十億諸佛無有異也，永不受女身，命終之後永離三塗，即得往生阿彌陀佛國，如來授手摩頂：「汝莫怖懼，來生我國。」現身不被橫死，不為鬼神之所得便。

菩薩破大千世界滅罪印第十四

起立以左手向前展臂，五指向前散拓豎五指，次以右手大母指屈在掌中，以四指把拳當右耳上。當誦身呪，頭指來去。此印日別須三時，一時誦七遍，能滅五逆、四重罪。於一切眾生慈悲心，即能燒一切罪根，此身滅後即得值佛，於彼佛土得作轉輪聖王。復得陀

羅尼名曰無量無盡藏，復得三昧名智等，復得身中二十八種相。現身不患眼舌耳鼻等痛，乃至身中一切疾病悉能消滅。若有先業罪者亦得消滅。若見天旱時，取烏麻子和稗麻子脂捻作丸，呪一百八遍擲著湫水中，即得雨。若雨過多，取稻穀燒作灰，取蔓菁子脂和作丸，呪之一百八遍，擲著湫水中，雨即止也。

菩薩降伏三千大千世界魔怨印第十五

以五指相叉左押右，急把拳當頂上著，誦身呪即得降伏。若作此法，向舍利塔前二十九日夜，取白檀香作末，塗地作曼荼羅。其中散種種花。澡浴清淨、著新淨衣，手把香爐燒沈水香，面向東坐，呪一千八遍。此是最初功能。又取芥子、烏麻著一處擣為末，以三指撮取少許，呪之一遍擲著火中。如是七日，日別一百八遍，然後所作悉皆成就。

菩薩廣大無畏印第十六

起立並足，先以右手仰承左肘頭，左手亦如之。於舍利像前，誦身呪一百八遍，即得無畏施於眾生。又取茴香、白芥子、昌蒲、捨多婆利(外國藥名)，以此等物內火中燒之。燒火之時，應於佛前或在淨處誦呪三十二遍，以香花供養，呪法悉皆成就，所為之者皆悉剋果。若餘呪無驗，以此呪呪之，亦皆成就。若欲乞夢，誦此呪并作印印眼，即有夢，隨所欲見皆得見之。若人無福所向不諧者，日誦三遍，呪滿七日，諸有所求一切皆得。

爾時菩薩在娑竭羅龍宮海會說法，見諸龍眾受大苦惱，愍諸龍眾為度苦惱眾生，悉得離苦無諸怨害。

爾時龍女獻一寶珠，價直娑婆世界，為求法故，吾為廣說離諸苦難。

爾時水精菩薩為欲利益護持此呪，而說呪曰：

水精菩薩護持千眼印呪第十七

「毘摩隸摩訶毘摩隸郁呵隸摩訶郁呵隸休摩隸摩訶休摩隸薩訶隸止隸涕馱婆訶」

「若有善男子善女人，在所遊方，受持此千眼千臂菩薩法者，我當常隨衛護，乃至諸魔眷屬無惱亂者。若人急難、他國相侵、盜賊逆亂，當用五色縷結，誦呪二十一遍，一呪一結，繫於左臂。又以左

手無名指中指頭指把拳大母指甲上，展小母指，指所賊方誦呪七遍，悉皆退散，不能為害。」

爾時菩薩在雪山中說法，觀見夜叉羅刹國中人民唯食眾生血肉，無有善心。菩薩為欲利益方便教化，以神通力尋至彼國，現千眼千臂降伏魔身。設成就，結姥陀羅尼印。

爾時羅刹國王來至我所求哀頂禮，我以成就印印之，即得成無上道。

菩薩成就印第十八

起立並足，合掌當心，以小指相叉左押右，誦身呪二十一遍，種種皆得成就。若救六道苦惱眾生，當用輪印，以十指頭各相拄，開腕開掌中使開，其十指間各相去一寸許。即是菩薩在六道循還度諸苦難，以此印轉迴，悉皆得離苦(此印法拔吒那羅延長年師繞翻，便即歸國，并將所翻之本。智通畢竟尋逐不得，遇於一僧邊得梵本譯出，在外無本)。

菩薩成等正覺印第十九

結加趺坐，先以左手舒五指仰掌在左膝上，次以右手舒五指覆手捺右膝上。此與滅盡印法同。過去未來現在諸佛，皆同此印得佛菩提。此印能除一切業障。若坐禪諸法不現前者，當七日七夜於阿練若處，誦此陀羅尼并此印法，至心念佛，晝夜六時懺悔，即得諸法現前，及所得福無量無邊不可稱計。

菩薩呼召三十三天印第二十

先以左手四指把拳，次以右手握左手大母指亦如把拳，令左手大母指在右手虎口中出頭，以右手頭指來去。呪曰：

「唵(一) 俱智俱智(二) 俱耶利(三) 遮利遮利(四) 遮梨隸(五) 蘇婆(二合)訶(六)」

此陀羅尼印呪不可思議，若善男子善女人臨欲眠時，誦此呪一百八遍，心中所願於夢寐中悉得知見。若能日日誦此呪者，亦能滅一切罪，發菩提心。其人昏夜寐夢，漸漸增廣，皆得吉祥。乃至夢見如來在菩提樹下受記成道，乃至釋梵諸天常來侍衛。

菩薩呼召天龍八部鬼神印第二十一

起立並足，先以左手大母指屈在掌中，四指把拳當心上著，次以右手亦如之，以右手在右耳邊，以頭指來去。呪曰：

「南無尼乾陀(一) 南無阿利闍波陀(二) 馱婆訶(三) 南無阿利闍羅馱婆訶(四) [王*璽]醯夷醯馱婆訶(五)」

此呪印若善男子善女人受持讀誦者，知七世宿命，毒蛇不敢螫、毒藥自然除、刀不能害、王亦不能瞋，永劫不受地獄苦。若誦此呪時，二十八部鬼神來詣持誦呪人邊，坐聽誦呪。若有善男子善女人為鬼魅所著，以白縷為呪索，一遍一結，如是四十九結，繫其咽下，其病即除。若國中災疫流行國人死亡多者，當取國王園池中蓮花一百八莖，一花各呪一遍，擲置火中燒令蕩盡，災疫即除。

菩薩解脫印第二十二

結加趺坐，先以左手中指與大母指頭相捻，仰掌向上，餘三指散舒置於左膝上，次以右手亦如之，覆手置於右膝上，誦身呪二十一遍，所願悉皆滿足，諸有苦惱悉皆解脫。

若善男子善女人具造十惡五逆等罪，如閻浮提履地微塵，一一微塵成於一劫。是人造若干等罪，應墮地獄歷劫受苦永無出期。是善男子善女人，能於舍利像前白月十五日一日一夜不食，結印誦呪誦滿一百八遍，如上諸罪悉皆消滅。若不消滅者，無有是處(此印智通本上先無，智通於源州逢一婆羅門僧有此梵本，遇會勸之，更有此印，自得受持，大有功效不可思議)。

菩薩自在神足印第二十三

起立，先以左手握左脚大母指如把拳，次以右手握左手腕背上，誦身呪七遍，欲進千里不以為難。誦呪之時勿令聲出。

菩薩神變自在印第二十四

先以左手大母指捻小指甲上，次以右手亦如之，餘三指各散豎，合腕相著置於頂上，誦身呪二十一遍，皆得遊行自在(昔有罽賓國僧闍提，於北天竺求得此梵本，未曾翻譯，自得受持，威力廣大，不敢流傳。智通於此僧弟婆伽邊得本，依法受持，功效不少，唯不流行於世，此本絕無。後同學得者，願同功德)。

請千臂觀音菩薩心王印呪第二十五

兩手合掌虛掌內合腕，二頭指來去。呪曰(此印是第一根本啟請印)：
「唵阿嚕力帝麗路迦(去夜)毘社(時賀)耶薩婆鑠覩嚧(二合)鉢羅(二合)
麼馱那迦羅耶[合*牛]泮莎訶」

爾時觀世音菩薩聞佛說已，歡喜信受，作禮而退。

千眼千臂觀世音菩薩陀羅尼神呪經卷下

namo sarvajā yanamoratnatrayā yanamaḥamitā bhā yatathā gat
ā yā rhat esamyak sambuddhā yanamaḥā ryā valokiteśvarā yabod
hisatvā yamahā satvā yamahā kā roṇi kā yanamaḥmahā sthamapr
aptā yabodhisatvā yamahā satvā yamahā kā roṇi kā yanamobhag
avatevipulavi manasuprat i ṣṭi t as umḡhyas ur yaśat asahasraat rekap
rabhavabhasittā mṛtyemahā maṇi makuta kundaradhari debhagavate
padmapā nāyesarvalokā payasāmanayavi vi dhabhayaduḥkhasamaveś
avi ṣṭas arvasatvapari mocanayatadyathā om̐bhū rubhū vaḥmahā l
okakarāṇā t mastimira paṭaravi naśanakarayarā gadhai śamahā moh
ajā laśamakaśasakarokṣakas arvā payaduḥkhadḍar gati praśamakan
akarayas arvatathā gat asama vanvanakar as arvasatvā śapari pur a
kas arvasatvasamas vasakar aehyeehi mahā bodhisatvavaradapadma
l oksaḥbhū tamahā ruṇi kā jaṭamakuta l umkṛt aśi rasimaṇi kanakar
ā jatavajravaituryal umkṛt aśari raamitā bhajinakamal al umkṛt a
pravarananā ricanamahā janananā riśatasahā sraavilaṣita
kayamahā bodhisatvavi dhama ॐ vi dhaśaya ॐ
mahā yantrakreśakavā ṭabhamardhas um̐saracaraka pramat hnapur uṣ
apadmapur uṣadgapur uṣasagaravi rajavi rajayas ut ant a ॐ pṛvṛt adama
ॐ sama ॐ dhuru ॐ praśasaya ॐ giri ॐ vi ri ॐ cili ॐ curu ॐ muru ॐ muyu ॐ
mumca ॐ rakṣa ॐ mamas arvasatvā nā m̐cas arva bhaye bhya ḥdhuna ॐ
vi dhuna ॐ dhuru ॐ gaya ॐ gadaya ॐ hasa ॐ pra hasa ॐ vi dha ॐ
kreśavā sanamamas yahara ॐ s um̐hara ॐ dhuruṭi ॐ
mahā maṇḍal aki ra nāśat apraseka va bhasavi sanaśamakamahā bodhis
atvavaradasvā hā

[CBETA 贊助資訊](https://www.cbeta.org/donation/index.php)

[.\(https://www.cbeta.org/donation/index.php\)](https://www.cbeta.org/donation/index.php)

CBETA 成立於 1998 年，於 2023 年 8 月 7 日轉型成為基金會。成立多年來，一部部佛典在嚴謹控管中轉換為數位典藏，不只數量龐大，而且文字校訂精確可信，又加新式標點方便閱讀。「CBETA 電子佛典集成」不僅獲得國際學界的重視及肯定，也成為大眾廣為運用的公共資源，如此成果都是在廣大信眾及有識之士的支持下才得以實現。

對一個從事佛法志業的非營利團隊，能夠長期埋首理想、踏實耕耘是非常不容易的。如今，CBETA 運作經費日漸拮据，但「佛典集成」仍有許多未竟之功。因此，懇請大家慷慨解囊、熱情贊助，讓未來有更多更好的電子佛典。

您的捐款本會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

信用卡線上捐款

本線上捐款與 netiCRM 及 NewbPay 藍新金流合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

不管您持有的是國內或國外卡，所有捐款最終將以新台幣結算，所以我們所開立的捐款收據也將以新台幣計。

線上刷卡支持定期定額與單筆捐款。(銀聯卡不支援定期定額)

[前往捐款](#)

劃撥捐款

郵政劃撥帳號：5 0 4 6 8 2 8 5

戶名：財團法人佛教電子佛典基金會

欲指定特殊用途者，請特別註明，我們會專款專用。

線上信用卡 / PayPal 捐款

PayPal 是一個跨國線上付款機制的公司，CBETA 引用其服務，提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project .

相關收據開立事宜，由於付款幣別為美元，我們除了會依您所贊助之美元金額開立收據外，另我們會依捐款當日公告匯率開立台幣收據，此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

[線上信用卡 / PayPal 贊助](#)

支票捐款

支票抬頭請填寫「財團法人佛教電子佛典基金會」。

For donations by check, please write the check to
"Comprehensive Buddhist Electronic Text Archive
Foundation".
